

樂靜先生集四



樂靜先生李公文集卷第十四

表六

代人賀元奎表

代濟州命官學生道僧耆老請

皇帝封泰山乞車駕經幸本州表

第二表

第三表

代賀平瀘賊表

代知徐州馬大夫謝上表

代人賀元奎表



欽承休貺叶至日之迎長肆設盛儀盍萬邦而來賀  
列華紳而星拱翼寶盃以階升上公跪進而前天子  
再拜以受大樂備九成之奏群臣奉萬歲之觴麾幡  
縹渺于祥風雲物中蠲手和氣精神胥悅霈澤橫流  
以答自天之休于昭不世之瑞曠古盛典一時榮觀  
中賀自昔陶唐聖神獨運惟時文命水土既平歸我  
帝功薦其器寶謂俊德克明者本於智黎民于變者  
生乎神用此以知人而人績成推此以則天而天道  
順故外黑以示智之所出內赤以顯神之所存願強  
名莫得其緒餘惟默識可求諸形制書猶具在此世

獨無傳三代下哀曾莫聞其付于兩漢甚陋終不發  
于沉潜天心未有以感通人意亦難于窺索綿歷歲  
時之久寂寥霄壤之間爛然光明了不刊缺蓋上穹  
眷佑有待治時而神物護持乃至今日恭惟 皇帝  
陛下儲精稽古恭已愛民聽言同衢室之詢化俗猶  
大章之作競、以行道魏、乎成功家陶德化而可  
封人競耻心而不犯亦堯之盛與帝而俱屬景命之  
方興果珍符之來格學士討論而不謬工人辨閱以  
無疑再考祕文益詳嘉應得王橫于碯水何乃不經  
出宝昂于汾陰是誠小物固宜告圓丘而饗上帝拱

南面以朝諸侯迎福祿之大來對天地以同久臣親  
逢熙旦猥預下僚彷彿闈庭徒極望雲之想娑婆田  
里聊擊壤之歌

代濟州命官學生道僧耆老請

皇帝封泰山乞

車駕經幸本州表

竊以封禪大事古昔有聞數千百載之相望時難偶  
七十二君之可記遺跡尚存非至德無以動天惟聖  
人乃能行禮義當有請時弗可為衆議所同不謀而  
合輒殫愚懇上瀆嚴宸中謝恭惟 皇帝陛下亶聖  
智之才邁帝王之德仁被動植孝感神明朝廷正而

庶官修庠序興而衆賢出禮儀商周之盛樂同韶濩  
之和四時序而五穀順成九澤通而百蠻清處困窮  
有養囹圄屢空為道難明視古無並萬邦咸入豈惟  
同德之三千百化已成何獨大功之二十三靈協相  
諸福荐臻太史書祥殆無虛日輿人頌聖如出一辭  
冲融六合之間充塞大和之氣元圭載出垂眷甚休  
青帝來臨示人尤著當躬行于昭報無久曠于上儀  
必展時巡用虔祀事願茲東土有曰泰山泰言作鎮  
之尊東乃資生之本群靈之府衆岳之宗近在太邦  
素為福地升煙中頂可近接于皇天檢玉圓臺亦深

明於精意不特享一人之慶蓋將蒙萬世之休幸詔  
諸儒敷求故實矧規模之具在皆耆老之能言追真  
皇已誦之文請從今日繼神考方興之志奚俟來年  
惟麟野之旧封附陶丘之大邑去幾無幾視魯為隣  
路固少于縈回地尤多于平行萬人無擁六馬不勤  
纒經清涕之郊圻已見山東之雲物伏望 皇帝陞  
下曲從人欲俯屈帝尊遡日馭以起行揭龍旗而來  
幸肅傳鳴蹕徑取便塗舜礼方修敢願陪于群后堯  
車悅過竊有効于封人庶仰瞻于清光不虛生乎盛世云

第二表

投取梗于洪鍾固知難動納細流于滄海尚或能容  
是誠力所不能量恐亦行之甚易躊躇欲却俛俛復  
前中謝竊以奉牲玉于圓丘以展報天之禮潔粢盛于  
泰折式昭事地之儀此皆有國之常經未盡聖人之  
極致非并中不足以對上穹之佑非降祀不足以接  
厚載之靈自伏羲以來斯焉可考由祥符而後今則  
其時敢布懇辭再于宸聽恭惟 皇帝陛下聖心天  
縱神化日新造士訓官群俊在位制禮興樂習俗已  
成才索俱閑倉箱徧益犀利蒙皮而不試遐迹削枉  
以來庭洋洋乎歡樂之声恢恢然仁壽之域精神之

妙既已和同天人糟粕之餘猶將錡鑄堯舜冬祀方  
修而清真格韶音終作而白羽來大功爰業以升聞  
諸瑞紛綸而畢至草木山川之勝競出珍符自星雲  
露之精次垂喜應不為創見非止一書此皆前古之  
罕聞何獨大封之未舉惟岱宗之作鎮在方岳以居  
先岩、之望尤高生、之德滋盛神房阿閣即先聖  
所棲紫蓋黃光盡吉祥之氣舜帝時巡之禮具載遺  
書真皇夢感之靈竊聞殊貺伏望 皇帝陛下躬行  
升降丕答顧懷崔髮相扶每共談于古事奎輿來幸  
將復望于清塵宜奉三神之驩以錫庶民之福雖貶

成抑定謙不自居而附厚增高禮寧終廢是弗為也  
尚稽檢玉之期候不邁哉徒鬱縉紳之願載言大野  
俯次輔藩參考舊經最為便道五百里之非遠東北  
望以甚平乃汶陽接畛之區正羽衛徐行之地幸頒  
俞旨夙戒候人煌、華蓋之未四郊風動隱、春雷  
之轉萬騎雲從臣某等夢寢傾心掃除先路進陪朝  
序敢希闔里之榮親見聖時誰復周南之歎

### 第三表

盥手奉章鞠躬俟命望雲雖劇伏地無從獻一得之  
愚已幾喙下喙十行之詔尚復遲、中謝竊以因崇

祀以告成禮當有報為生民而祈福意本無私乃上  
聖所優為亦下情之公願凡在照臨之屬莫知鼓舞  
而來稽于衆則可從與蒙兼聽至于三而必瀆敢避  
多言筮日之良瀝誠斯迫恭惟 皇帝陛下化行俗  
美治定功成陰陽天地以流通禮樂刑政之明脩丁  
寧德意孰非克舜之用心熙廣聖功不忘文武之勤  
教交萬物以道德百姓之歡衆賢並興五兵俱偃養  
材有本造小子以詩書依遠無方裂殊隣為郡縣九  
年粟腐比戶錢流惇獨孤窮飽餘糧而鼓腹拊揚纒  
索掛空犴以凝塵朝廷胥樂于清明田里篋聞于愁

嘆馨香有感惠澤無垠共陶一炷之和徧為諸福之  
應元圭發見上帝降觀九霄光明日有戴氣千里澄  
澈河無橫流甘露歲彘寶山萃律行實俱九苞之食  
野蠶增卒歲之衣双蓮駢花不並生於庶草赤烏白  
鵲獨先至于四靈淮人瞻宰堵之光嵩阜示高真之  
相加谷動盈乎拱把瑞文繼出于山林九臯之鶴蔽  
天同傾萬目五色之芝連籬幾困十夫禮部受圖歲  
嘗百數外朝稱慶日或二三呈露紛綸變化竒詭事  
出乎見聞之表意存乎相數之間騷流聲詩光動簡  
冊此太平之極致何危、乎彼載籍之所博特小、

耳惟天之垂眷者甚厚故民之報上者益勤圖立方  
澤之齋嚴未為之稱束帛金錢之慰遣詎已其來必  
先喬岳之封允荅三靈之眷庶弗違於上下亦曲盡  
于情文庸示光揚非為進越博士濡毫於冊府夙備  
討論封人側耳於路隅屢從汎掃載稽前古無越此  
時雖退託以未遑願久留之何待蓋曠世罕逢于盛  
際况舊章非設于空文今復仰冒嚴誅堅陳丹懇幸  
稍迴於淵慮難終抑于輿情魯邑儒冠已顯，而北  
嚮岱宗雲物每靡，以西來伏望 皇帝陛下追祖  
武以聿修奉天時而順動自大野達東山之境導屬  
車無五日之行良出便安最為平易填金祕冊罄一  
人照事之心刻石層崖張萬世無前之烈訪仙閭之  
縹緲觀海日之騰陵百神之御沓來萬歲之聲相屬  
回銜夷路瘞帛崇壇麾伏雲屯琛貢山積先端冕以  
受四方之賀大作樂以舉諸臣之觴躬問高年異修  
群祀尊儒闈里款帝真庭賜酺飲以交歡欣濡德音  
以蕩瑕穢榮先均被慶賚並行永孚宗社之宏休丕  
顯帝王之能事臣某等敷言累牘引領踰時恍迷丹  
闈之峇堯想見翠華之髣髴躊躇終日搖後寸心奏  
帝典之一篇慙無宿學望聖人而三祝竊効前驅



代賀平瀘賊表

勇校鷹揚赫天聲而莫禦窮獸電掃殲鼠類以無餘  
三捷告旋萬方交慶中謝臣聞漢闢犂犂之地始定  
南夷蜀興瀘水之軍寢通諸夏雖屢更酋族時擾種  
陸固不煩俘以六師止可以驅之尺箠夫何狂醜敢  
黷皇靈謂中國之兵不習山林之險聖王之法必寬  
夷獠之誅輒肆披猖自媒剪覆以至席臣受略輶使  
移輸先櫻必死之喉襟大索已窮之淵藪踈頭臚於  
川谷巷廬落于灰埃何能逃蝼蟻之生無復恃螳螂  
之臂風馳旁徹魄落諸蠻伏惟 陛下聖德靜淵武

烈神速萬全之勢灼見于日中千里之師焱來于天  
上以山壓卵如火燎枯子無遺兇少快宿憤昔方叔  
之征獯鬻柔服蠻荆貳師之伐大宛震驚西域跋觀  
霞俗畢附中邦臣素荷國恩忝分符守喜聞寬詔竊  
助歡聲飲至行封莫陪于周廟頌功稱壽徒望于克天

代知徐州馬大夫謝上表

祇擇時日初見吏民當朝廷訪落之時各脩其職濫  
師帥長人之寄徒愧于名撫已知榮感恩歆涕臣某  
中謝伏念臣斗筭淺器畎畝孤生遭遇聖朝明因緣任  
宦亦嘗登進言責披瀝肺肝分貳計司運量金谷載

更使指出領憲綱未歷歲時遽啣哀恤養既違于將  
母義當于許致身逮賜對于天光復轉輸于嶺表出  
入谿壘之微馳驅瘴霧之中以單裋屍分捐邊野舉  
頭見日莫望長安方撫水之繹騷病師糧之難給粗  
完經費遂致招徠之無虞幸蜂蠆頽形軼之可乞猥  
蒙寬詔退守真祠屬瘴疹之稍平奉詔恩而入對荷  
先帝神明之照知孤臣忠梗之心假以便藩養其暮  
齒惟徐方之輿壤藩服之舊封井邑浩繁風俗剛悍  
宜資名德以賴藩宣夫何妄庸輒膺任使此蓋

皇帝陛下道膺克智德邁湯仁謂犬馬有一日之勞

簪履乃昔時之御曲加完愛詎思棄遺臣敢不勉激  
吏能奉行德意桑榆雖晚未忘幼學而壯行金石不  
移敢有先難而後易少立涓埃之効上酬覆載之恩

樂靜先生李公文集卷第十五

啟狀十

鉅野李昭玘字成季

賀河中府經畧游龍圖

與緄州孫學士

上開封蔣待制

賀新潭州張學士

賀新郢州韓待制

上事謝監司

與交代先狀

謝趙判監

移京東東路提刑謝豐侍郎

滄州到任謝韓丞相

賀河中經府略游龍圖

此者伏審肅拜恩綸榮迂帥聞經畫歸乎素業注倚  
出于上知成命甫行縉紳相慶恭惟某官學通聖奧  
識照事微抱忠義以有為善功名之自致暫將使指  
頓實兵儲坐馳智筭于屋中生致羗首于闔下功高  
百戰声屈四夷初進躡于書林旋入登于卿寺游心  
魏闈暫勤三節之趨厭直承明遽起一麾之請惟秦  
亭之奧壤為邊邑之具瞻特賴名臣作鎮方面庶頗

尚壯必寬西顧之憂靈武可平杜報東門之役行膺  
詔握入贊帝猷某方幸依仁繼聞易地尚期展晤少  
罄陳叙

與穉州孫學士

此者濫被宸恩誤叨憲領量材非稱負寵若驚幸緣  
聯之榮遂獲見賢之願恭惟某官天資俊拔國器宏  
深早擢危科寢揚撫仕行義足以範模多士文章足  
以矜澤太平步履瀛州後聲莫競翱翔蘭省賢望益  
高方虞侍於親闈屢懇求于藩服大邦作屏暫資善  
政之才四輔維人允屬元功之後徑趨召節入覲凝

疏某晚接英游並登策府奉一介之使將覲大國之風  
啣盃酒之歡良幸故人之遇方圖奏記先屈飛緘感  
服之私誦陳莫究

上開封府蔣待制

言念少學屬文嘗起執鞭之慕晚從試吏濫陪入幕  
之遊稍親間燕之談良若喧囂之後遽緣補外遂失  
依仁鷓鴣一枝暫託蹤于美蔭鴻鵠千里徒絕睇于  
青雲仰惟剗決之餘休有吉祥之助恭以某官識周  
萬理學造太原以王佐而自期非聖言而不道躡聖  
科而特起軼俊躅以先馳彈擊百僚皂鷗橫漢澄清

屬部皎鏡懸秋優服使華增嚴帥領泉流六路半居  
天下之利源瞻落諸羗獨出幄中之勝筭重以儒林  
舊德延閣清班未親日月之光屢從軍旅之政暫輟  
藩方之節制用矐天府之浩繁初落筆以無留不閱  
旬而稱治大點結舌情窘片言群偷屏心首戴一尹  
方久虛于近弼已蜜東于上知意在東朝願未伸其  
素業天將大任宜永庇于斯民某竦服誨言悵拘官  
守地遙望履心劇恋軒浩蕩江湖何待飛鳧之集低  
徊鷲雀終懷賀厦之歸敢乞勉為邦家精調寢饋下  
情無任傾頌激切之至

賀新潭州張學士

竦聞譽命光奉恩綸解印陝郊作藩楚服伏深慶慰  
恭惟某官學通今古識際天人遇事敢為直躬無愧  
風生芸閣皆名理之談鶚立霜臺有忠義之色耻遂  
容身之計勇為去國之行列郡澄清蕭然虛囹九年  
饒富浩若流泉俯臨大國之封遽報暮年之政益隆  
宸眷更守名邦浮益清湘聊適江湖之興懷鈇紫禁  
行追翰墨之游某猥以塵蹤竊攀英躅石渠舊事嘆  
從官之飄流銅虎優恩期望風以彷彿方謀命駕先  
辱飛騰竚申伏謁之勤少慰叙陳之願

賀新郢州韓待制

伏審解延州之屬郡領楚甸之名邦地介江湖之交  
物多魚稻之美國小而易足民淳而不偷蓋將憂養  
其賢能然後遠觀其德業見匠石之劉固深識于道  
微聽陽春之歌亦自諧于心賞恭惟某官以學脩性  
藏器在身久更獻納之勞暫資屏翰之寄存心虛靜  
與物去來易地之恩漸磐茲始賜環之召楷日可期  
某限守官常阻趨賓席仰祈保蔬別對寵靈下情無  
任傾依之至

上事謝監司

服鄉校之官已非其任據先生之席尤濫于名蓋師  
不可以少知噐必先于自治苟為無本何所取材竊  
祿太優反躬知懼伏念某性資煩闇學識迂踈素之  
兼人之能誤當聞道之責聖賢可仰何容握管以窺  
天豪秀滿前良愧奔蜂之化蠋而况俯仰一室沉酣  
六經無簿書紛迫之勞有朋友誨習之樂退惟僥冒  
宜自激昂敢不考上下責實之時循終始修己之働  
諄道勸義庶無曠于厥官論世讀書將必行其所志  
與交代先狀

右某言念傳洛中之價久已服膺傾塵尾之談未遑  
引袂比緣補吏偶被誤恩輒當鄉校之官將承賢者  
之堵幸隨願喜獲與愧并恭惟某官國噐粹溫天材  
超拔應休期而筮仕拔上等以飛榮論議高深下軻  
雄而不道文章古雅揖游下以夏馳方君子之育才  
伴諸儒之駕說橫經師席流化藩州洋乎盈耳之絃  
滿矣及門之屢英豪華出道德風移隱几絳帷已格  
泮宮之化懷鈇紫禁行追金馬之遊某猥以淺聞獲  
依成範奔蜂之祝化藿蠋以何能黃狗之皮補孤裘  
而終累行須体踐尚免曠尤瞻晤有期歎躍無已

謝趙判監

伏蒙判監朝請以某近舉再任特貶長踐者賢不肖  
天下所共知進與退君子之高致所難揜者甚公之  
論毋苟失者可仕之時自古當然于予何有猥蒙歸  
惠俱益懷慚恭惟某官立心有常好道不倦澹泊榮  
味怡安仕途嘗矻以窘年耻沾而自喜放虛舟  
于不繫斂倦翼以知還殆至絕交中散不堪于世累  
未能力疾士安無損于天和寢食俱忘乎典籍之間筆  
硯几滿乎門墻之下以傳為僻將老未休為玄解朝  
雖窘奚病妙得鍾王之骨直登李杜之壇錦囊不空  
排几增重室中之王老之氣味席上盡陳玄之子孫

但存青毡獨無愧耳能著几屐其好如何驚然與世  
以無營雅以無絕塵而自許每容比德輒慕薦賢寧  
取不度德之訛庶逃蒙顛戮之罪敢求國士之報姑  
致衆人之言自以短絆死汲引之功一快勞吹噓之  
助巫者祝人以千歲固盡誠心楚人售璧以万金更  
求真賞

移京東、路提刑謝豐侍郎

此者叨蒙中旨就易東幾猥緣聯事之榮竊有趨風  
之幸恭惟某官儒林重器禁掖名臣文章追三代之  
醇議論極六經之奧是非之智則確乎不拔進退之



義則綽乎有餘大德不爭知江海之善下晚節益厲  
見松柏之後凋暫輟從班出司留籥興王重地式賴  
于老成論道宗工必咨于遠業某素蒙知遇方獲庇依

滄州到任謝韓丞相

城高池深壯矣万夫之守地大物廣富哉千里之封  
惟偉人可以折衝非惠術不能媿俗先朝備禦雅資  
武畧之長累世承平優假使華之舊如某者斗筭小  
器章句腐儒自知斷不以無他不善沾而自喜涉  
世每謀于揭厲謀身素拙于從違安以乘流自信河  
中之木疲于抱甕豈知井上之机才屢試而無聞志

已衰而不警猥叨進拔稍獵等夷澤虞從大夫之招  
已乖去就小人乘君子之器自取顛危闊踈初出于  
智昏繆誤殆由于魄奪何獨有言之悔幾成不敬之  
誅屬大事之告終法雖可貸論有司之失職罪復何  
辭方且刻骨退思屏縱待竄魯趙為禮莫知薄者酒  
為誰臧谷亡羊何但讀書之無罪遽從寬典尤領名  
藩借朽木以可凋收敝帷于已弃此蓋伏遇某官股  
肱王体柱石廟堂裴度之才上所自用武公之後人  
無不宜大器于天下為公至誠得仁者之樂無一天  
之失所雖小善以不遺曲全孤生尤被厚賜雖江海

之量無待細流之歸而鷺雀之軀寧忘大廈之託誓  
殫夙夜少補毫分悔不可追願何功于犬馬老當益  
壯庶有得于桑榆

樂靜先生李文集卷第十五

樂靜先生李文集卷第十六

啟狀十

鉅野李昭玘字成季

荅王賢良

上執政求外任

回謝馬狀元

賀吳正言

賀轉鹽運轉官

賀李資深中丞

賀李邦直舍人

賀范龍圖移慶州

賀胡學士加職知桂府

上李邦直

荅王賢

與黃安中劉子先  
朱行中同作試官

應詔造庭奏篇入等一時遴選多士榮觀竊以漢唐  
設科蓋以待非常之後劉董論事亦足見有為之才  
國家累聖相丞得人甚盛半為當世之公相或出同  
門之父兄自非李洞天人識貫今古發憤吐懣不懼  
嬰鱗之危投溢扶衰深知詞瑟之變則何以禮隆反  
席望重縉紳抗足而脫塵埃矯首而登雲漢恭惟某  
官明燭萬里富兼九流不為章句之腐儒竊鄙簿書

之俗吏以天下而自任為衆人之不能說論激揚歷  
以萬鈞而強壯多聞霽霽窘之一日以如流理物有  
藥石之良利民如布帛之煖通達國躰疑素官于朝  
動寤上心恨相見之晚較然明白略已施行願論說  
之有源將陶鎔之在手某素為寡學猥預持衡觀水  
于瀾詎躬渤澥按圖求駿偶識驛留惠然投我以夜  
光何有報君之玉案載懷謙抑益用悶藏得之若驚  
常欲置之懷袖永以為好猶將示諸子孫感福之私  
誦言罔究

上執政求外仕

時見任秘  
閣校理

挾無知而游世動則多違犯不避以望人困而寡與  
蓋勢踈者情隔能薄者力微信未徹于言前志欲行  
乎券外徑庭直往犹如寸梗之撞鐘咄咄自營僅若  
龍蛟之過耳知難而乃分之宜其或心以願違勢曲  
私迕須臾之渴未能穿九仞之全跬步所休何暇種  
十年之木謂不才而無取宜廢于人見有力者必鳴  
或閔諸命伏念某蚤從鄉校入踐書林學未達先生  
之言名不掛通人之論耗精神于蹇淺困年力之類  
侵是非不謬于自知利害相摩于多故同堂筭冠嫁  
娶並舉者十人舊里田園黍稷不供者數歲加以伯

兄長謝先壠未歸累然諸孤殆絕生意獨有少弟僻  
在海隅兀兀以窮年嘗耿耿而不寐嚴助懷故土之  
樂罷直承明陶潛求三徑之資願為彭澤而况手足  
寡急難之助閨門多凍餒之憂期一假于外官願何  
辞于俗吏有政事之責可以赴功蒙祿廩之優足以  
收簇恭惟某官大猷經世一德亮天利万物以無私  
耻一夫之失所退惟頑陋夙被埏鎔冒歲月以淹回  
乏毫末之稱報因人並奏既同南鄭之吹竽以並得  
賙獨幸支離之受粟言斯甚迫理或可矜竊以庶者  
之無求樂聞君子之虛受願屠門之割大嚼何為寄

焦燾之栖一枝良足干黷鈞嚴無任

回謝馬狀元

奏藝明庭策名上第喧前騶于廣路觀者肩摩落餘  
稿于四方傳之紙貴望高時俊光動儒林乃太平養  
士之功亦諸生稽古之報某人天姿俊徹學術粹深  
辟之升堂七年並席金奎唱藉一鳴驚人蓋志大者  
氣全故寔備而名望落、高騫于日下錚、獨韻行  
穀中御史直轂固遺風之自許平津相業不數歲而  
可期某夙仰英游阻聞細論方欲効李邕之職面慕  
盧仝之卜交奉詔殿廬幸觀落筆洩裾公府復枉過門

惠然後我以夜光何有報君之玉案

通

衢在望絕足方猷陽春白雪之音一時寡和金馬玉  
堂之步指日可期某猥預盛時喜聞榮捷雖仰洛中  
之價未盡塵尾之談

賀吳正言

右某伏審光膺宸綽更踐諫垣聞命之初望風而耀  
竊以蕙蘭擢秀久幽而不改其芳鳳凰來翔一出則  
大驚于世而况君子獨安其處衆人皆謂之賢揚于  
明庭宜在高位乃生靈之盛福寔上下之相惟嘗聞  
士必貴于有為志先行其所學一失是非之辨終遠

把抄本改正

聲利場言欲出而畏憂氣益而粗喪發憤吐懣彼其  
獨何人持祿養交寢成習俗惟大人之特立秉常德  
而不移于義也剛不可止眾人之紛紛懷若龜先見  
之明末路危而松相後相之進趣乎先生之所期後  
然詢其居處謀術多而師尊式之進趣乎先生之所  
而前承風而語以多先生曰竊聞天高而物覆焉地  
厚而物載焉聖人德配天地而民取利焉不以無  
可足而各有志也迄未形詒教而足以及君子無  
以而名之遺大為邦國之先施音澤于下民稍安  
外灑如無際寂然不動而變通不窮曷知始而知終  
贊大鈞而播物行踐我公其德以微末夙叨懷者限拍  
無乎不在無乎不通固已合德二儀同成歲功矣中  
官守阻造台庭  
憂眷限拘官守阻造台庭下情無

賀吳轉運轉官

伏審祇承寵渥峻陟華資叙舜庭考績之優詔商典  
懋官之舊逖聞成命增激懷悚恭惟某官器宇靜深  
智猷通博遇事有不疑之決在公惟匪懈之憂百吏  
承風凜若神明之畏九年足食出于指頷之餘天子  
重稱其才朝廷無出其右果膺殊眷特拜茂恩竦簪  
紱之榮觀契明良之嘉會使軒留愛已夙慮于公歸  
廟鼎元勳將默符于帝賚即聞迅召人覲嚴宸某素  
託恩休阻趨威重

賀李資深中丞

光被瓊恩峻陞中憲外刺百官之失內繩庶事之違  
大臣畏法而修天子歛容以遇方朝廷責成之際乃  
事考實之時必得剛明肅艾之士以正其紀綱庶幾  
上下遠近之情不欺于視聽果聞輿論僉屬事我公  
傳命之初有識相慶某官高標華國清德照入志包  
九万之藹氣拔東南之秀始德祿于公相俄名暴  
于京師接武俊林龍綏禁掖高墻可仰士尤喜于先登  
大筆如神上亦嗟其晚見忽厭承明之直暫分瀕海  
之封馬周方重于太宗賈誼復來于宣室爰禪袞闈  
遽掌綸言坦明追二帝之書深厚過兩京之制紫垣

洒墨湧妙思于泉流白簡敷姦勵孤風而鶚立禮法  
修而百慶正議論一而庶心傾即正鈞衡大施德業  
不獨重風霜之任亦將隆柱石之功某夙荷眷存久  
稔參侍搶榆之跡徒仰于搏霄賀厦之心尚拘于鼓翼

賀李邦直舍人

寵膺帝制光贊綸言潤色聖人之辞道宣王者之志  
此多士文章之選為一時儒學之榮才之所難得者  
盖寡翁聞嘉命歎動衆心某官思識靖深器能超拔  
文足以經天而締地道足以致君而澤民望高華岳  
之五千氣吞雲夢之八九竭從魏國來對漢庭咳談

坐斤于淵雲器業遠躋于晁董飛名京邑竊卑稷下  
之游洒筆中堂共駭洛陽之少言不徼于高訐理獨  
盡于忠嘉深簡上心首登清選崢嶸金馬之譽咫尺  
玉堂之游暫領憲于東州復懷鈇于左史重資才藻  
兼代訓辭人爭嘆于湧泉吏每虞于脫腕兩漢之制  
雖尚覩于遺風三代之文可復還于今日即聞大拜  
行奮遠苗某夙荷眷存久嵇叅侍云

賀范龍圖移慶州

光膺嘉命更鎮推藩愛養利源適秉輶于東部統制  
方回遽握節于西州在君子之時升宜天下之同慶

况居屬群良切惟悰願安化之河開寔據昆夷之矜  
背苟知某榮則矢石不試一夫其御則彊屢驚必資  
忠智之臣以副朝廷之眷某官家聲著代世宗德在  
民卓有高明之才夙懷康濟之志輟從禁從暫守帥  
垣人蒙奠枕之安國賴長城之固游子亭之坐可想  
遺風立棠棣之碑何慙往躅貯還閫寄入贊冢司某  
限守州符阻趨鈞屏下情

賀胡學士加職知桂府

竊以海中三峯地稱仙境嶠南五筦天限炎荒一則  
提封屏翰之邦一則取象苗書之府惟時嘉命屬我



名臣恭惟知府安撫龍圖問學淵微器能通博奉咨  
詢之煩使美譽處于先朝入綴星郎暫游蘭省後來  
居上安暇競時獨秀必擢翻成 物寧遇風而知退  
耻躍金以自言疾驅太行周覽二挾邊民侍哺喜車  
馭之復來野老饋漿驚節麾之几尽果膺優詔擢預  
清班能世其家清毡故在不難為第棠棣相承頌  
東眷之方隆將陶鎔之在即折冲万里雖賴得人雅意  
本期未容去國行聞美拜寔慰僉言某素以孱愚重  
叨獎遇為屬部之吏嘗備下陳同舉酒之歡復陪廣  
座猥煩謙德先辱長緘得之若驚嘗欲置之懷袖永

以為好將猶示諸子孫感荷之深誦言奚既

上李邦直

一違鈞坐再閱歲華久櫻俗吏之簿書幾廢小夫之  
竿牘盈尺之紙安能自寫其肺腸萬頃之陂固亦不  
遺於汙潦憂皇所載展轉益危與其自棄而不言孰  
若以誠而歸罪某官生民先覺盛世元臣吐辭為經  
鄙荀揚之未粹以道致主非堯舜而不陳經綸以四  
海為心進退有古人之節前功未就毅然待旦而行  
庶政已成率而乞身而去整資舊德作鎮別都時驅  
大府之旌牙坐嘯昔遊之泉石腹心之託曾未間於

須臾天日之光常不違於咫尺精神相感寤寐不忘  
宜一德之有求乘三陽而並進為天下計必資良佐  
之才以我公歸作求生民之福某素慙裴陋曲被陶  
成每殫十駕之勤愧乏一毫之補輒鮒得水雖切幸  
於餘波胡馬嘶風終不忘於故國限拘官守阻造賓  
庭

樂靜先生李公文集卷第十六

樂靜先生李公文集卷第十七

啓狀十

鉅野李昭玘字成季

謝徐州范教授

回兗州知府

賀轉運使

上南京豐侍郎

永興提刑謝到任

賀交代改官

謝漕使

移京東西路提刑謝丞相

同前謝曾樞密

謝交代上官正言

謝徐州范教授

分職儒林下車鄉校高名夙著多士相歡自昔人昧  
五常之原世無三代之學大道殫殘於秦法衆言殺  
亂於漢儒以公羊為賣餅家蓋譏淺俚謂太玄可覆  
醬孰尤病支離國家崇飾儒師發明道德排異端之  
戕賊歸妙理之淵源必先因性而治身然後事君而  
成物故於教養益重選掄某官德性靜深天材秀擢  
非先王之言不道以大人之學自修將趨步於紫垣

甃樓遲於泮水金口大舌一坐盡傾白日青天衆人  
皆仰鳴絃盈耳投屨滿門從善若登並席機四科之  
列聞風而作擔簦多千里之行禮義相磨英豪輩出  
將見東徐雅俗共陶闡里之餘風正觀名卿半汾出  
陽之高第行須嚴台別踐要津慕服素深瞻承良幸

回兗州知府

比貢柔緘幸塵清覽禮無不答書匪盡言上君子之  
堂未遑引袂拜使者之賜疊幸置懷竊惟鎮撫之餘  
茂有福祥之助恭惟某官聲猷華國器業在民早膺  
出使之華尚屈偃藩之寄報政之速固無待於暮年

聞命而趨將入陞於禁從佇期瞻謁少罄敘陳

賀轉運使

光被恩綸出司漕計仁賢所至民吏相驩某官器識  
宏深風猷高遠益隆時望夙東聖知持節外臺履更  
煩使握蘭華省寢躡要資惟東州之輿區為諸道之  
劇部非通才不足濟國用非遠略不足究利源時惟僉  
言允屬賢業九年足用坐進滋殖之風四輔維人行  
被吁謨之眷某幸緣聯事遂獲依仁尚阻叅承但勤  
嚮仰

上南京豐侍郎

寵被恩綸榮司留鑰仁賢所至民吏相歡恭惟某官  
國器宏深天資純敏言動皆君子之法出處有古人  
之風早升要塗益聳請望道學有本得之自然政事  
不煩聞者皆化惟別都之重鎮須近侍之名臣克壯  
藩垣式宣惠澤報政之速固無俟於期年為國之光  
將入升於近弼某素承知遇竊獲庇庥願望履之甫  
期實瞻風而自幸

永興提刑謝到任

某蒙恩授前件官已於正月十二日到任者委轡下  
車勤吏民之趨走據按涉筆擁文墨之紛紜將何補

於事功徒有慙於面目伏念某迂踈末學鄙野孤生  
賦才不長聞道最晚棲遲日月僅成九轉之功蹭蹬  
風塵未蒙一顧之價再預充庭之貢謾為入洛之遊  
敢意斐文偶塵精鑿初乏青錢之作宜置下陳誤經  
黃絹之評遽超數等叨從祿仕擢備儒官詎能握管  
以窺天良愧奔蜂之化蠋屬大明之繼昭延舊德以  
亮功博收人才盛集冊府開閣之始豈乏異能備員  
者誰乃出下客人共榮入於穀時皆謂之登瀛正始  
諸賢濫陪武步石渠祕籍頓發見聞惟知反己以自  
求敢覬因人而幸進謂有昭々之功者必有冥々之

志無赫々之熱者亦無凜々之寒歆寡過而未能恐  
修名之不立以愚自信曷嘗稱博而毀丹與世何尤  
不暇去嬰而歸蚡安有本同而末異奚傷先病而後  
瘳處冲季孟之間僅知所立甘陵南北之部適幸兩  
忘能不能各自其人得不得必尸諸命洋然迎餌詎  
為方氏之魚兀若畏人反類羊公之鶴嘆源泉之有  
本驚蒲柳之先衰一傳未終恍已迷其姓氏片文屢  
過幾不辨其偏旁但縻廩粟以偷安何罪魚書之成  
蠹久玷外庭之列聊從別乘之行迨及更書復還舊  
直竟無他異莫追終賈之才名必有可觀竊預趙張

之政事舍丹鉛之點勘視鞭朴之喧囂精神僅及於  
目前智慮或遺於意表蠅紛訴牒驅即復來鴈集吏  
行守之不置間閔畏罪黽勉赴功入水必濡每憂揭  
厲夙知退冀免推顏雖殫十駕之勞蔑有寸毫之補  
間以私門艱窘多事侵陵祿未逮於孤窮歲已近於  
逢暮田無附郭久負陶潛之歸盜不過門素多張禹  
之愛屢申愚懇願守方州猥霑造物之私特假詳刑  
之任占河閔之勝道連雍陝之雄小民尚氣而喜爭  
巨滑瀕山而為盜素稱劇部尤藉長才自非水鏡無  
疵權衡不撓則何以吏知守法人不稱冤頽煩闇之

無堪適選掄之誤及此蓋某官元功播物一德亮天見  
遠業於有為期太平之可致論事必同於善使人樂  
盡其才引愜倭以升高徒煩假手削輪困而成器幾  
誤揮斤敢不慎守官箴勉思民事不近名而邀福無  
倚法而作威概以中平得之安靜少圖禪報上副陶  
成美廕方休曾未虞於巨擘不才自養終願託於長  
年過此以還未知所措

### 賀交代改官

對駁褒命進陟新階名德所推縉紳相慶恭惟某官  
降才踈敏躰道靜深議論見聖人之心行義為天下

之則橫經芹水之館士成有材賜見雲龍之庭上嗟  
晚遇遽遷美秩寔慰公評竚聞天語之咨庸行踐禁  
垣之清近

謝漕使

誤被綸言再叨憲領方馳驅而及境寔嚮往以為勞  
竊幸拙踈迺承庥庇伏惟某官天姿超拔國器宏深  
爰遇興王亟踐高華之選荐逢盛旦尚紆將漕之權  
敢謂官常獲聯事任企聲光之雖舊拜門館之匪遥  
陪萬忻愉敷陳曷究

移京東西路憲謝丞相

陝西總刑任使每懷於罪黜畿東易部庇存回荷於  
陶延事簡責輕恩隆感厚此蓋伏遇某官道大而脩  
器博以深用中正秉國之均專精神熙帝之載期底  
於治必納以忠變理陰陽三階平而萬物遂整齊法  
度五教敷而七政調宰正庶僚儀形四海總六官而  
建六典以致太和乎一德而協一心坐凝庶績洪鈞運  
物大治肩金蓋皆播於至公豈必躍而自化碩才甚  
下並用無遺重念某早辱知憐久叨委寄惟是寵光  
之異尤深戴仰之歸初以疾聞規求符竹亟蒙恩徙  
密迹鄉閭豈惟登車攬轡之榮寔有過家上冢之幸

囊蠹鮮推剝之習桁楊無請寄之姦人謂便安心知  
尸素尚懼不移之愚懦難勝甚濇之眷松雖竭薄才  
竟虞無補終期便郡更冒大恩庶幾驅策於蹇駕為不  
負範鎔於甄鑄

同前謝曾樞密上下同

盛德茂稟傑才間生以堯舜而治君並夔龍而濟世  
上窺姚姒早推掌制之工載戢干戈果著執樞之畫  
居然社稷之衛時為文武之全基立太平規王齡而  
斷國論戰勝無事運智略而明廟謀廣土闢而七政  
調泰階平而萬物遂制四夷而請命同一德而協心

端率百寮坐凝庶績下同

謝交代上官正言

登車陝右已叨煩使之榮易部幾東獨竊總刑之寄  
內愧精神之消耗難勝責任於澄清矧英軌之前  
仰絕塵而莫繼已積平生之欣慕更增情契於傳承  
雖瞻覲之後期有規模之可想伏惟某官富淵深之  
道學播忠厚之德名高文早擅於崑科大節允崇於  
要任屢光華於言路惟密簡於主知識遠器宏寔儒  
林之祭酒智博用大為朝廷之直臣進退裕如中正  
不撓上心所屬嘉謨馮見於膝前使節外持公論久



期於環台佇膺異擢用快輿情繼展屐亟更陳表

樂靜先生李公文集卷第十七

